

射
鷹
樓
詩
話

射鷹樓詩話卷十六

二
侯官林昌彝惠常輯

錢虞山箋杜詩多附會失實如箋洗兵馬云上皇至自蜀卽
日幸興慶官肅宗請歸東宮不許此詩援据寢門之詔引
太子東朝之禮以諷諭也鶴駕龍樓不欲其成乎爲君也
按肅武卽位唐人雖有遺議子美旣奔謁行宮備官禁近
甯有矢口刺譏鶴駕龍樓無過敘述奉養之事乃云援初
詔以諷諭且不欲其成乎爲君則必欲歸帝位於上皇耶
杜詩後出塞次首云借問大將誰恐是霍嫖姚指張守珪
也錢箋謂安祿山只緣不看第五章二十年事耳況祿山
豈可以霍比乎

東薌吳蘭雪刺史七言律氣韻高華情懷綺昵余尤喜其舟

中自訂癸丑甲寅詩卷感懷擇其五首詩云燕市蹉跎百
感侵歡場未散已沾襟吹笙易醒游仙夢擊筑難銷壯士
心海氣青蒼連碣石岱雲浩蕩接淮陰支離病鶴籠初放
隻影江湖瘦不禁平生襟抱托青霞鳳泊鸞飄亦可嗟十
載論文交海內羣公傾益慰天涯放翁團扇摹詩社賀監
金龜擲酒家曾許俊遊陪杖履山陰夜雪鏡湖花石溪春
暖燕南飛誰誦新篇入翠幃五色繡絲傳唱滿千金賦價
倦遊歸盧儲知己憐紅袖羅隱逢人問白衣孤負瘦吟樓
上句才兼仙佛古來稀閩秀金鑑總建業姑蘇又廣陵當
筵綵筆最飛騰樓臺春晚頻移棹絲管宵闌獨翦燈年少
風懷花正綺天寒離緒酒初冰誰知縱飲酣歌地中有唐
衢淚數升寶幄鉤車白玉驄環花壁月錦帆風山橫北固

斜陽裏寺在南朝細雨中越水浣紗誰絕豔吳門乞食有英雄登臨莫抱千秋感身世茫茫亦斷蓬

周櫟園先生

亮工

仙霞關七律四首久膾炙人口百年來海

內談詩者皆未敢議其後余謂周詩次首領聯萬馬入關悲九塞一絲過嶺重三吳頸聯接云層披小月看同異薄著輕煙幻有無下一聯與上聯神既不接律亦不清觀者別之不得以傳誦人口之詩不敢輕下雌黃也然周作四律風味頗佳今附錄於此詩云略盡冬春高下峯離離霞映玉芙蓉竹埋广下泉歸窺輪舞灘邊石自春四面水聲聞客袂無多日色印游踪自慙襍被塵沙滿賴有看山致未憫松根竹杪盡窮途逼仄藍輿石亂扶萬馬入關悲九塞一絲過嶺重三吳層披小月看同異薄著輕煙幻有無

酒伴奚囊能漸滿應知噩夢未全孤漁梁北接大竿長亂
水懷煙峽勢張竹杖扶人清玉憂蒲囊裹飯綠雲香溪聲
日夜迷千仞雨氣經時幻一方巖裡如聞三澗雪不妨草
止夢滄浪高鵬應知與帝通雲流一綫日瞳矐荒亭坐佛
空泉裏薄板肩人細雨中巖下茶紅燒竹賤峒邊屋漏補
茅工蠻鄉但有猿啼苦莫向秋風更認鴻

亡友建甯張亨甫七言律詩激壯俶詭豪宕感切足以繼響

盛中集中諸體七古而外以此體爲最客樓秋感云

九月邵武

作目斷家山正感秋西風殘照又回頭烏鴉亂落三邊影

黃葉寒生水上樓送別遠經南浦路思歸難買一扁舟不
知誰按紅牙拍無數蘆花攬暮流江樓云越王臺畔水清
華獨立江樓數暮鴉落日帆檣千估舶東風絃管幾人家

客中春盡方思酒城外天寒不見花積閱裁詩排未得濁
醪眞謁比隣賒南臺秋望云落日迴風鼓角鳴黃雲白浪
勢飛橫歌樓黯黯臨寒浦戰艦蕭蕭轉大旌苦逐驂騮羣
雁驚翻愁鷹隼擊鯢鯨百蠻天地開滄海素節憑危萬里
情呈別退谷先生云十月江頭風浪多錦帆西上狎蛟鼉
天心正到清寒候人事難爲慷慨歌南浦煙花催畫樂東
山繇管隔長波王郎流落中郎老回首千秋可奈何先生贈予詩有素心幸猶在干秋以爲期句故云碧湖驛中小酌云翠裘青鬢北風吹
越女勸人酣玉卮作客多於霜落後思鄉最是日斜時花
邊鳥語開鈴閣煙外山光到酒旗拚醉他年好留憶前頭
烏柏十三枝書吳梅村詩後云遺老才情首駿公飛騰健
筆欲摩空興亡過眼聲華薄出處傷心著述工名士宦官

東漢紀美人狎客六朝風陸沈莫弔王夷甫十廟園陵夕
照中秋風云天高日落亂猿哀短劍悲歌浦上臺萬里關
河吹木落千家砧杵送秋來洞庭波蕩湘君怨汾水簫橫
漢武才一別松江鱸膾晚季鷹懷抱向誰開秋月云金風
吹徧玉簫聲萬戶樓臺一夜明蟾湧海潮奔蜃市馬嘶霜
雪蹴龍城荒關秦漢迷年代故壘孫曹感戰爭少婦高樓
應未識廣寒涼露不勝情秋水云淼淼澄波動漢泉蘆花
楓葉暎週遭黃河天影三秋小滄海潮聲八月高正詫谿
涯難辨馬漸憐蟹籩欲肥螯西風落日中原望滿地驚沙
輓漕勞秋雁云江頭日暮有風沙旅雁南飛片影斜衡嶽
七十峯夜月洞庭八百里蘆花稻梁謀急飢啼曉關塞歸
遲信憶家書徧碧空應莫恨飄零何限客天涯秋蟲云桂

樹連蟾怨八公蟾蜍幽咽泣山空深閨刀尺孤燈下獨枕
關河落月中邊塞卽今驚白露天涯到處起秋風不平歲
歲鳴何事感入鄉心似北鴻蓮花生日云六月二十我亦
生當日四辰幾生修到此花身千秋可壽人間世六月能
爲天下春湘浦荃蘭懷彼美華峯煙雨祝棲眞藕船十丈
今無恙玉井思驂跨鶴賓謝林七秀才國士梅友云宦學
今年亦浪遊幾人知我似君侯無書可作藏山業有母同
殷失路憂猿鳥故園煙雨晚魚龍落日海天秋七閩莽莽
西風裏相對悲歌一酒樓平落乾坤感數奇飛騰骨相苦
吟詩當年李廣眞飛將幾輩楊修是小兒霜露人間寒已
甚風雲天上夢何遲江南知已餘姚合萬里滄溟共此悲

若與桐城姚石甫明府善明府時在臺

在臺

哀哀諸公自省臺洛陽年少久蒿萊

東南歌舞民方用西北征輪歲屢災鞠蘖尚耽名士習文
章何與濟時才登高其望窮秋色老雁寒雲慘地來諸友
餞予於烏石山文昌閣卽席賦別云晚照蒼然萬嶂開虎
門天遠暮雲迴江山如此宜高會主客何人不異才華燭
暫爲虛閣月寒香遙話故園梅一年聚散看樽酒莫遣城
頭鼓角催湖口守風云吳頭楚尾望如何九派江聲起白
波彭澤天低惟鳥度潯陽風斷少人過蕭蕭向暝斜陽遠
渺渺生寒積水多今夜不眠愁暮角故山回首隔煙蘿清
明日宋埠驛中作云屬麻城倦遊何處不思家況復清明感
歲華楚水東流人北去越天南望日西斜樓烏隔院初藏
柳語燕臨風正落花惆悵招魂猶舊俗荒原兒女自喧嘩
登東昌光嶽樓云長雲落日盤燕趙曠野驚沙蕩魯齊混

混河流衝地濶蒼蒼伏色匝天低目窮千里鄉心遠樓倚

層霄暮景淒自古嚴城經戰伐析骸殘戟長蒿藜再過京

口云十年更飲中冷水

戊寅冬過此

一帆遙思枯木堂江海波

濤空日夜楚吳天地自青蒼城臨鎮甕餘荒壘山望金陵

向夕陽愁絕不須頻擊楫歲華難問況興亡二十九日得

四兄初六日自蘇州寄書泣然感賦云緘題六日蘇州寄

到及燕京月盡時貧賤千人原失計飄零作客幸生離

蛩鳴北地秋來早雁嚮南天水宿遲苦惱百年吾易過憐君

排遣更無詩祈死徒勞效叔孫飯依猶旁梵王門

時寓大隱禪院

身當多難皆成錯事到傷心未可言衰鳳清秋梧子月亂

蛙涼雨稻花邨欲留未易歸難決尺素摩挲總淚痕癸巳

秋七月將客大梁之粵東諸同年連日置酒慨然留別云

孝王賓客浮雲散梁苑山河落照深我輩招尋重弔古少年飄泊到如今還馳匹馬秋風外却望孤鴻瘴海陰猶是鄒枚游燕地酒闌那得不霑襟奉訓子壽丈贈別云東南耆舊凋零盡玉局猶看似醉翁

丈人爲姚惜翁高弟子

名輩山陽悲

落日暮年河嶽獨秋風相逢莫惜連朝醉異地安知再見同萬里炎荒窮海路卽時去馬已匆匆奉訓郭羽可

餞霄

孝廉贈別云無端垂柳又秋風送遠年年是客中幕府馳書約東野吹臺射獵弔空同天涯貧賤存知己人世艱難厭腐公幸有愛才賢學使肯教遲暮嘆飄蓬此去眞爲萬里行蒼茫人事不勝情三江民困新多盜五嶺烽傳昨苦兵楓落夜潮詩思冷月懸海鏡客愁明蒼茫誰與論身世回首停雲憶汴京徐州云芒碭浮雲曉夜秋誰憐劉頂盡

荒邱徒聞大澤靈蛇死不見高臺駿馬游河氣抱城寒白
日角聲吹月落黃樓哀鴻遍野無因問俯仰猶懷萬古愁
蕭然居集二卷建安黃孺人護花曇生著孺人爲鄭蕉谿先
生室幼沈酣經史及詩文畫詩多綱常名教之語不屑屑
傳粉調鉛爭門香艷者蕉谿先生計偕京兆試孺人課三
子句讀解義且教以義方長方城季方坤皆成通儒長孫
天錦方城子能文章尤秀出皆孺人教訓之力也孺人性
至孝先意承志事翁如父卒年七十九詩出至性無脂粉
氣寄衣云颯颯寒衣一夜深孤衾遙想擁霜林揣摩蘇季
衣裘傲高臥袁安風雪侵敢謝殘燈催玉尺每勞明月照
秋碁猶驚客裏腰圍減寬窄裁量費寸心懷夫子云隻影
黯殘缸愁心未易降無情中夜月故故冷窺窗芳草傍人

青柴門鎖日扃信音頻問雀稗子也能聽梅子偕春肥寒風正入幃此時千里客所恐未添衣題漁婦圖云微棹窄袖曳輕裾人似芙蓉出水初未許漁郎問消息只愁對面欲沉魚又題云舉網得雙魚傾筐行復置告君莫浪烹中有相思字一

潘四農論詩專取質實二字亦有偏見蓋詩之品格多門如雄渾古逸悲壯幽雅冲淡清折生竦沈著古樸典雅婉麗清新豪放俊逸清奇妙悟諸品皆各有所主豈得以質實二字遂足以概乎詩而其餘可不必問耶不知質實易流於口枯質實易流於腐質實易流於拙蓋質實爲諸品之一品則可謂質實用以概諸品則不可蓋質實爲諸品之一品則無流弊若專言質實流於枯流於腐流於拙則

柔一江新漲送輕舸回首西山爽氣高

西山積雪爲古勝出八景之一

地不留人眺賞深名何益我分毫空嗟日暮鄉關遠暫息
年來案牘勞寄語篙師莫輕進防他深夜作風濤

蕭山何六皆茂才

道謙

著有六皆詩草詩多清麗詠物尤爲

擅場其詠菊花爲時所謂西湖采蓮詞云紅顏已悔十年
遲修到名花須及時蓮子嫩時荷葉老多情惟有藕中絲
此絕句頗有神韻者

山陰王鶴峰二尹

紹勳

風流宏獎振拔單寒著有綺霞軒詩

鈔其門下士余友俞夢池出其遺草見示多質樸之氣其
感遇禠詩云荆山有美玉抱璞人不知未遇卞和子終朝
長棄之時事催人老懷壁心如擣絮彼楚厲王豈識連城
寶讀其詩可以覩其蘊抱矣

近代七言律詩最爲沈雄者首推吳梅村蓋能以西崑面子
運老杜骨頭者自義山遺山而後殆無其匹吾鄉陳恭甫
先生七律詩隸事典切結響沈雄可與梅村抗衡其海外
紀事八首尤足雄視一代詩云萬里曾勞太乙幡百年荒
微幾蠡屯蒼垠作霧霾鯢島碧海迴潮撼鷺門四野儲胥
防日蹙千夫韃弭想星奔巖疆臥閤承 恩久文武何當
咎 至尊狼煙吹上海雲間一夜桅檣照鳳山頗慮馬街
邀徑路豈聞龍磧倚神姦庚辰天將來 三殿戊巳軍裝
震百蠻寄語伏波南討日遠收銅鼓捲旗還 龍硯見臺
灣縣志 絡
繹黃封降 玉京戈船下嶺有軍聲狼弦已發長楊館驚
猴宜屯細柳營枉憶賈琮能散賊翻愁宋義久停兵長風
濁浪重溟外少小何人議請纓南屏鼓角三更月北衛風

沙萬里雲從昔草雞飛海水至今母鴨煽妖氛赤嵌城迴

殘虹斷白玉山危苦霧紛差喜重圍馬汧督橫戈猶肯守

孤軍

福建通志張橋南屏雞籠北衛

元戎千騎靜和鸞刀斗無聲畫鼓乾

玉帳日高鈴閣暖瑤弓風勁戟衣寒孫恩絕島終沈水馬

援衰年尚據鞍涼月蒼蒼傳箭夜戍樓太白幾回看鳴笳

吹角玉屏山幕府旌旗閃日殷漢使珊瑚勞驛騎越裳翡

翠轉津關樓船楊僕誰能抗海島朱寬且未還見說春風

荆杞長長鑱有客泣田間蕭蕭落葉朔鴻停手梨腰弓帶

驚翎瘦馬寒星嘶古戍饑烏瘴雨過郵亭天吳吹浪黃雲

暗木客啼煙碧草腥多少秋閨砧杵急還憐明月照東甯

春來犀兕下滄波虛貯瀛東鼓吹歌謝艾豈聞推決勝陽

城何意罷催科青江水落叉魚急綠野秋荒穴狄多海微

藩籬逋惡藪歸耕早晚釋兵戈

山陰高省堂大令

其垣

著有試行蠶桑說有裨民生法至良

也大令初爲石碼關批驗以勞績洊升四品銜優於吏事
大府咸倚重之常念吾閩地瘠民貧薄於生計思爲閭閻
開無窮之利嘗以其說上之大府復捐貲購地於井樓門
外蒔桑六千餘株日久蕃衍任民間採取其桑秧悉由浙
省運至道光二十六年陳慈圃中丞慶階開藩吾閩與之
同心爲頒其說於郡縣飭令省垣設局飼蠶協紳士向民
間勸導大令又遣人之浙買運桑秧三千餘萬株分給民
間布種且募浙之善飼蠶者來閩傳授前後捐重貲力任
其事不爲浮議所動大令不以詩名見其附刻勸蠶歌如
家常語其詩云我本浙中人曾作閩中吏身自田間來且

說田間事江南二三月牀頭蠶種發家家皆飼蠶正值清明節節當春風香女兒爭採桑青青柔桑葉恰恰連宵忙全家夜來苦但願蠶絲吐二眠至大眠上山猶閉戶作繭方告成堂前繰車鳴繰車聲轆轤賣絲錢蒲囊不畏吏催租沽酒街頭酌女兒藏餘絲留作嫁時衣一月雖辛苦一歲休愁饑浙中利若此閩中風土似城外半膏腴種桑可千株我今買桑樹復購繰絲具蠶師愁無人家鄉急覓去轉瞬春風市上譁徧栽桑樹如栽花秋燈門巷鳴機杼富擬湖州百萬家讀此詩可以備知蠶桑之利而民間當無不樂從矣夫古今之善政莫難於剏始大令捐重貲試行之其用心之厚有古循吏風邇者都人士建蠶神廟於東郭外名曰元姬宮知其效已著倘盡人皆能以大令之

心爲心互相勸勉並按大令諸說悉力行之十年而後自可家給人足而吾閩之富庶當不讓於浙省耳近黃省農陂尹爲補其未盡之說凡三事一閩省舊無機坊民間屯積蠶絲難於售賣必有力者爲之設局收買議以定價庶使民知所趨向而無畏難之心一飼蠶本婦女之職前由浙省募來飼蠶者係是男人雖設局傳法多屬游民往觀而民間婦女則未能詳悉若能再至浙募飼蠶老婦數人來閩傳授庶於女工易於信從一讀授時通攷全書飼蠶器具皆有圖形吾閩婦女未嘗目覩以爲製器煩重不免沮其垂成宜於說中再將蠶具詳繪刊圖並注明某器需費若干使知工省價廉自能樂於從事矣以事關民生大計錄其詩並附存其說

浙人以松花和米麥諸麩作粿餌色香俱勝炊煮咸宜遠人
市之往往不曉其名而要無不嗜食者吾閩郡縣半在山
中松樹百倍於浙而採食松花之法則未知之自高省堂
大令傳授採取之訣邇來延建一帶海以充食然猶未遍
也誠得留心民瘼如大令者普諭鄉民如法採食勿令散
落約計一春所穫可支一季之糧其裨民生惠而不費
較之空譚荒政而無實用者相去遠矣黃肖農饒尹有咏
本事絕句二首云曾聞竹米堪充饌不道松花可療飢早
使夷齊知此法何愁採盡首陽薇隨凡卉笑春風落地
松花雨粟同樛棟他年知不忝在山早解濟民窮二詩用
意超妙寄托不凡讀者不得以聲調求之

侯官余上通布衣

瑞蘭

余舊相識也家貧無以爲生屢停炊

吟詩自若善戲謔旁若無人竟窮餓以死李薊苹嘗誦其詩數聯感懷云未曾身死心先死不獨人欺我亦欺二語雖非有道之言然寫窮困之境亦入情之語錢唐張研孫觀劇教歌云拋得黃金路便窮歌樓好夢醒匆匆天門風雪蓮花落儘有才人墮此中讀之可爲大息

不知其人視其友讀義山哭劉蕡詩知非僅工詞賦者詩云上帝深宮閉九閭巫咸不下問銜冤廣陵別後春濤隔湓浦書來秋雨翻只有安仁能作誅何曾宋玉解招魂平生風義兼師友不敢同君哭寢門

歐陽修六一詩話云蘇子瞻學士蜀人也嘗於涪井監得西南夷人所賣蠻布弓衣其文織成梅聖俞春雪詩此詩在聖俞集中未爲絕唱蓋其名重天下一篇一詠傳落夷狄

而異域之人貴重之如此耳子瞻以余尤知聖俞者得之因以見遺余家舊蓄琴一張乃寶林三年雷同所斲距今二百五十年矣其聲清越如擊金石遂以此布更爲琴囊二物真余家之寶玩也

周密浩然齋雅談云東坡詩喜用謁來字謁來東觀棄丹墨長陵謁來見大姊謁來城下作飛石謁來畦東走畦西謁來從我游謁來齊安野謁來清潁上謁來廉泉上其用字蓋出於顏延年秋胡詩謁來空復辭

朱弁風月堂詩話云參寥嘗與客評詩客曰世間故實小說有可以入詩者有不可以入詩者惟東坡全不揀擇入手便用如街談巷說鄙里之言一經其手似神仙點瓦礫爲黃金自有妙處參寥曰老坡牙頰間別有一副爐鞴也他

人豈可學耶

王直方詩話云東坡平日最愛樂天之爲人故其詩云我甚似樂天但無素與蠻又云吾似樂天君記取華顛賞徧洛陽春又云他時要指集賢人知是香山老居士又云定是香山老居士世緣終淺道根深而坡在錢塘與樂天所留歲月略相似其句云存郡依前六百日山中不記幾回來蓋用樂天詩在郡六百日入山十二回語意也

許彥周詩話云古人文章不可輕易反覆熟讀庶幾見之東坡送安惇詩云故書不厭百回讀熟讀深思子自知僕嘗以此語銘座右東坡在海外盛稱柳柳州詩黎子雲家有柳文東坡日久玩味雖東坡觀書亦須着意研窮方見用心處

建甯吳厚園茂才題陳章侯畫屈子圖云傳神妙入章侯筆
能把離騷畫屈原有不知章侯爲何時人余按章侯姓陳
名洪綬章侯其字也明季浙江諸暨人年四歲就塾婦翁
家翁方治室以粉堊壁旣出誠童子曰毋污我壁洪綬入
視良久給童子曰若不往晨食乎童子去累案登其上畫
漢前將軍關侯像長十尺餘拱而立童子至惶懼號哭聞
於翁翁見侯像驚下拜遂以室奉侯旣冠師事劉公宗周
講性命之學已而縱酒狎妓自放頭面或經月不沐客有
求畫者雖罄折至恭勿與至酒間召妓輒自索筆墨小夫
穉子無勿應也見曝書亭文集卷六十四

閩縣陳梅修先生七言古魄力沈雄雄視一代可與國初

宋荔裳朱竹垞及近日粵東馮魚山

敏昌

蒙古夢文子

相伯仲今錄先生詩若干首以見梗概其青山靈安王廟

云

在惠安縣城外五十里按何喬遠閩書王三國吳將張

相惠安縣志舊以爲五代閩時入嘗禦賊青山歿而鄉

人祀之宋紹興辛巳虞允文破金兵於采石神揚旗助戰

旗書其姓名允文詢之閩人從軍者因請旌建炎中海寇

作有陰助功封靈惠侯端宗奔閩幸泉州以花護功晉封

靈安王墓初在惠安縣堂左太平興國中建縣掘地得銅

牌識云開我墓者立惠安葬我

身者祀青山乃遷廟於此云海潮夜撼青山宮古苔蔽

木吹樵風天荒雲雨假神柄義配精魂爲鬼雄我來訪古

增歎吒事往英靈未淪謝孫吳昔日據江東命將屯邊何

整暇洸洸勇氣張將軍盪寇橫江此其亞簪笠誰干呂子

明錦帆早服甘興霸遂令鄉社報粉榆每走邨翁觀伏蜡

古廟松杉鶴雀秋深山燈火笙簫夜又傳五季逢瓜分三

郎白馬天下聞將軍此時當一面長劍亦與開風雲勲名

異世安足惑身後忠魂猶扞國紹興破敵采石磯陰風慘

淡揚靈旂靈旂旖旎一掃眩晴空萬里來酣戰誰援姚萇
鐵如意坐麾顧衆白羽扇中興養士士氣孱此役奇功神
所援偏安但恨無良圖山河破碎魚龍枯渡江泥馬汗流
濕惜哉神力徒馳驅將軍廟食東南地金榜雲書至今貴
由來猿鳥畏威神豈有魑魅不潛避聞說太平興國間佳
城宇露銅牌斑玉魚金盃歸何處寶刀駿馬陰來去一酹
瓊漿歌大招神今肯縱龍鬣驕昌彝按梁時蔣廟人馬盡
泥潼關之戰太宗昭陵石馬皆汗靈安王能助戰不能延
宋祚豈非天哉讀此詩偏安四語曷勝浩歎全使君木蘭
扈蹕圖云黑風夜捲醫無閭黃雲吹斷狼居胥齊侍郎召南寶綸堂
文鈔狼居胥山當在大同道北度漠爲今喀爾喀東路之大山霍去病出代二千餘里與左賢王戰封此山而還是
匈奴東界山也今地圖謂賀蘭山之北木蘭之山開虎落
河套白塔之西爲古狼居胥山誤矣

旃裘百國如鳬超前期校射出熊館霹靂應手天顏愉灤
陽啓蹕千騎扈青鳬揭幟前吹簫是時霜楓塞上赭畫
眉嶺秋染青模糊萬帳星低大漠濶三關月抱高城孤黃
榆葉落白草枯海東青起千人呼看公騎出紫駟馬短後
之衣纓曼胡搖鞭渡河五花散飛電入水風蹄虛我朝
地絡亘無外烏兔出入江河陸林深霧黑虎跡大射生已
轉阿圭圖平沙不飛海水立白雨一洗青林蕪至阿圭圖遇雨山
水暴歸來割鮮各命醕碧盃醉倒紅氍毹豪情感此摹絹
素青宴四顧何躊躇陸隨無武肝瞻弱安能汗血馳天衢
公今海嶠專城居出擁熊軾張隼旗草間狐兔復何有輕
裘緩帶來于于倚天長劍且挂壁鈴齋多暇拈吟鬢揚雲
更有長楊賦何當共獻承明廬此詩排界之極加以音節

尤覺激昂黃榆二句健筆橫空精神空涌飛電入水風蹄

虛虛字一字千金文信國琴歌云

琴譜五十六字云松風

不寂寥獨坐瑤琴遣世慮君恩猶恐壯懷消時景炎元年
崇恩遣問召入夜宿青原寺感懷之作譜於琴中識之文
山舊藏何上舍述善家今爲李秀才紹郭所得青原寺在吉州

琴尚如昨三宮頗憶汪水雲

汪元量以善琴事謝后

七客誰論賈秋

壑

楊維禎七客寮
秋壑琴其一也

細看二十八驪珠景炎赴召感懷作公

初志欲扶昆侖

見山詩

臨安事業風波惡恨少尚方寶劍斬

佞臣又無博浪神椎殲寇虐獨贖雲和空桑危苦霜月之

孤柯觸挽哀音沈寂寞夜雨青原一榻涼風煙萬里鳴秋

柝君恩世慮兩沈吟浮雲柳絮無住著羽換官移反掌間

南冠楚奏心回薄一十八拍胡笳聲愁對寒雲連朔漠

南錄胡笳曲

但惜廣陵一散絕人間不遣嵇生顧影揮絃索六

陵淚洒冬青花穿雲秘玩俱零落

李材解醒語西僧楊達正伽啓拙宋諸陵瘞理

宗陵得穿雲琴金鑑

晴爲徽龍肝石爲軀無乃天荒地老朱鳥歸猶似華陽之

鬼悲漂泊

本靈異志

前何後李皆好事向來摩挲收錦囊宜召

端州玉帶生二妙並入芙蓉幕請觀翠綠籍長筵龜紋蛇

腹梅花錯紉以圍客之水絲徽以鍾山之碧玉

玉讀如龠焦氏易林

桑葉頗蠶衣微如絡女工不成絲布爲玉

會須敲碎西臺如意爲君歌歌成萬

古傷哀樂按竹垞玉帶生歌一片神理此其具體夜雨青

原四句空中著想咏嘆有神暮秋出廣渠門送同年謝甸

男震南歸云薊門木落秋風急雞鳴送客衣霜濕蕭蕭燕

市絕酒徒瘦馬悲嘶作人泣下馬攬君祛踟躕道傍立爲

君寬離愁欲語轉鳴咽半生漂泊風中蓬千里萬里行勝

空十年計車五挾策三試不得趨南宮

君乾隆庚戌癸丑試禮部報罷乙卯

自蜀入都復期嘉慶丙辰滯吳門已去冬同舟來迢迢君
未奔父兵曹喪於京師皆不與此

溪渡篷牕擁帙恣討論南過杉青渺煙樹何意枯魚蠹索

哀白衣徒跣關山暮

戊午冬君至松青
間聞訃先入都

雪後春明重握手

坐我蕭齋翦春韭我旋射策謁金闕君乃移家居甕牖魚

相啣沫蛇鱗風致我雲中使飛走君身處田能扶人此義

高於華嵩阜梁侍御汪儀曹

謂九山餘
齋兩前輩

造門往往披青袍

歎君鷹隼伏奇毛決雲何日辭蓬蒿君今扶輿歸閭里素

旄飄零白河水有弟茁穉蘭有妹芳弱芷單船九月低襦

寒任昉諸孤竟如此我從前月聞戎裝連旬忽忽如有亡

故人一別成參商中年哀樂何其傷使我淚亦不能隨歌

亦不能長長天魂逐南鴻翔化作萬片雲茫茫請君行矣

復邦族人生何須詹尹卜風雨窮廬保骨肉一瓢樂飢亦

清福作者惆悵切情意已盡於一起竟體迢鬱頓挫身官
磨竭之士讀此益增感慨高誦數遍真氣淋漓淚墨交集
此謂情生於文大興朱尚書南崖夫子梅石觀生圖云空
山煙曉搖飛蘿玉泉吹雪風中過一花一石悉空色但覺
山水同楞伽梵天迢迢乾闥婆中有壽者玉顏醖坐觀無
始淨五眼寶界徑欲登堯羅支提生在玻璃柯夢中明月
尋磐陀夫子自號磐陀居士直疑化身百千億天花萬片圍維摩梅
耶石耶兩不語寂照已入奢摩陀生非實生滅非滅豈有
我相參禪那嘗聞淨土澡六和大地遍覆華雲多耆闍崛
上畫五指貝多樹下推羣魔願師更運龍象力衆生度脫
超恒河此詩色色皆精門門入勝如聽如來說法花雨續
紛

荆谿周介存教授□□精小學工書畫兼善騎射尤長史筆
著有晉略十卷史繹二卷禠文二卷介存於晉代掌故用
力最深詩亦頗無俗調余尤喜其論詩一節云嘗學書知
用筆內外使轉方員垂縮無不以騰擲出之因用爲詩筆
嘗學詞比興互用內心外體棄單取複排陰比陽沈激要
眇因用爲詩聲拙於論議以慙見尤及其持久咸謂樸誠
因用爲詩心詆諧微辭每出風致譴而不虐聞者頗解因
用爲詩趣貧女諄室悍夫晉街名士放浪於杯盤軒冕促
刺於遷擢醜伎炫服而臨鏡枯僧垂眉而啐經每見之必
矐之因用爲詩戒其題晴川閣詩云傑閣依山厰畫圖北
襟南帶好規模諸姬不盡難成楚西蜀如亡莫問吳估客
帆檣平亂齊佳人才調沒寒蕪隔江我欲招黃鶴玉笛無

聲落日孤豚雁句云風急行斜多薄暮霜寒天遠易遶城
豚柳云十里晚煙漁篷外幾人高枕畫樓中寄書云兒爭
秉穗喧鄰陌犬吠衣冠出古村

海目鍾仲山

徵瑞

著有敬誠堂詩稿偶存仲翁抱長沙濟世

之才爲仲宣依人之計當世公卿皆折節慕交爭先恐後
生平勇於爲善客聞時其鄉祠之卹發清葬惜字諸局皆
仲翁首倡之仲翁詩清清冷冷自然成音不必鈎章棘句
招擢胃腎而後可以爲詩也西山云出門何處去流水小
橋西野燒連山合秋雲出郭低樹深樵響答風冷水禽嘯
牛背誰家子無腔笛自攜歲暮感懷寄季弟品山云送窮
窮不去似愛我知音愁裏醉鄉大貧中世味深慚慙悲壯
志書劍失初心聞道詩能累無端又苦吟二十三年客曾

無一日閒長貧羞綠鬢結屋負青山名豈千秋在詩應一
例刪春暉忘不得役役住人間讀史閣部傳云籌糧不了
又兵訐慟哭中原勢已窮天意未容留半壁鐘聲先自亂
深宮九州竟鑄千秋錯四鎮誰收一戰功惆悵揚州好明
月至今長與照孤忠三月二十九日雨中感賦云昨日看
花花可憐今宵聽雨雨蕭然客中陡覺春如夢醉後真教
睡有緣舊事十年驚磨蝎鄉心三月感啼鵲近來爛熟遊
人語出得仙霞便是仙臘月三日集百花傳舍看梅卽席
述懷云坐對南山醉未沈尊前今日又開衿千秋事豈知
成敗一擔愁誰問古今檻外夕陽寒欲雨嶺頭煙樹重如
陰廵檐合索君同笑數點曾留天地心納涼云輕紈搖捲
漏聲稀半醉含吟詩思微涼露一階秋暑退月華如水夜

鳥飛春行云東風秣亂不勝情葉葉花花亦有名燕子不
來蝴蝶瘦碧桃紅處可憐生

七言古最忌長短句太白以氣運之後人實難於學步以其
易於空滑也若竟篇以七言行之入末間以長短句結之
較爲生動番禺張南山太守庚寅夏日重遊西湖作歌云
名山五嶽何時遊復來西湖弄扁舟舊雨今雨座中集南
峯北峯雲外浮畫船移向孤山泊提壺直上巢居閣地勝
能栽異代梅許玉年諸君補種梅花亭空不返當時鶴白公去後蘇
公來雙堤六橋花爛開金牛之湖尙無恙銷金之鍋安在
哉中州不住西冷住南來忘却燕雲路夜榻人篝蟋蟀燈
秋墳鬼嘯冬青樹鐵弩三千空爾爲金牌十二尤堪悲墓
前頑鐵擊不碎雨打風號無了期世間何物無成敗何佛

年深亦更改

重修靈隱寺新造佛像

湖上煙雲變態多舊時顏色青

山在浮生何苦多煩憂亦勿弔古生羈愁此湖此酒可一

醉對酒却復思前遊

辛未同林月亭汪益齋金體香來遊

前遊念我同袍客

兩在天南一天北欲話夢人方寸心恨無健鳥雙飛翮吁

嗟乎百歲幾人能得閒待閒未閒雙鬢斑西湖雖好不足

舒遠抱竟思青鞵布韉五嶽窮躋攀願隨鴻鵠翔寥廓

一快意安能如轅駒攄馬使我跼蹐不得開心顏

前明衡陽徐青鸞女史年十三遭亂兵掠至漢江赴水死其

屍逆流千里越洞庭湖而南爲漁人所獲玉貌如生年可

十四五以素帨繫左臂甚固發視得詩十首人爭傳舍遂

達金陵

周九煙先生遺集

詩云家鄉一別已春更此日含羞到漢

城忽下將軍搜括令教人怎敢惜餘生征帆又說遇雙姑

掩淚聲聲聽夜鳥，葬入江魚波底沒。不留青塚在單于，骨
肉輕離弟與兄。孤身千里夢常驚，歸魂願返家園路。爲報
雙親早不生，遮身猶是舊羅衣。夢到瀟湘何日歸，遠涉風
濤誰作伴。深深遙祝兩靈妃，厭聽弧兒帶笑歌。幾回腸斷
嶺猿多，青鸞有意隨王母。空使人間結網羅，生小伶仃畫
閣時。詩書曾把母兄師，濤聲夜夜悲何極。猶記挑燈讀楚
辭，當時閨閣惜如珍。何事流離逐水濱，寄語雙親休眷戀。
入江猶是女兒身，照影江干不盡悲。永辭鸞鏡歛雙眉，朱
門空說諧秦晉。死後相逢未可知，十首錄八九煙先生云：乙未
之春，聞安陸林生言，咸以楚女爲黃青蓮矣。越三載戊戌
冬，偶晤衡陽徐生於鳩茲，復談及此。徐生慘然曰：此吾妹
也。以甲午春在衡州被掠，至漢江赴水死。死時留十詩於

紙迴見擔水童子乃抽銀釵並詩授之屬云煩寄與讀書
相公童子以呈其主人瞿生遂盛傳於武昌潘臬聞之遣
人順流收其屍不獲因礮碑饒十詩其上植之漢陽門外
余聞女年幾何曰十三曾許字否曰許字王氏女何名曰
青鸞卽詩中所謂青鸞有意隨王母者也余聞之亦慘然
蓋徐生之父立階爲楚丙子孝廉第六人曾與余有舊以
女故亦憤鬱而死云

吳興俞霽寰大令

開甲

官山左臨朐時

乾隆丙子舉人庚辰進士

有善政

所屬及隣邑有冤獄大令密訪之多平反及去官日朐民
哭送於道里巷填塞民皆裹糧徒行送至清江舟次有留
別朐邑士民詩云裾綬相親氣誼長多情四載藉包荒嫌
疑不用妨桃李契合非徒接詠觴雉堞峩峩資擘畫將城工

遺編邈邈待相量

擬修邑志未成

澹交一似瀾河水可漾清波入

去裝晨簽訟牘久排衙萬事關心兩鬢華

抵在以後

雀角

鼠牙歸約束

年來訟牘漸少

雞鳴狗盜草奸邪

四鄉居民近

叮嗚

訓俗條中語

訓俗恆言十二條刊發各鄉

煩殆勤民里下車

四載以來半因委辦

出外父老途逢都慣識只今別袂似離家讀二詩可想其遺

愛在民矣余座主長興張小軒先生

鱗

嘗從受業焉

海昌鍾寶田

啟元

仲翁嗣君也年十四卽能詩其和業師又

喬先生揚州甲史閣部七律老氣橫秋詩云勝朝殘劫剩

揚州痛哭孤臣局又收宿飽未聞騰士馬深宮先自索排

優二分明月千秋恨半嶺梅花萬樹愁憑弔興亡一長嘯

長嘯

大江滾滾正東流出諸髻齡不易多得翁猶子靜菴

聖元

詩亦風雅潯陽阻風云客孤心似繭汀闊水疑煙雨後登

天遊峰云濕雲飛不盡新水亂爭流南湖觀荷云滿地月
明流水活一天秋早舞臺荒江行偶成云濛濛煙景迷村
樹渺渺江波鎖雁行皆秀語天成清婉可誦又橋茂才錫
仲翁從曾孫也亦能詩其和仲山曾叔祖百花傳舍看
梅述懷之作有客中花事僱殘臘酒畔詩情惜寸陰語淡
而永又咏水仙云淡到無言非傲世生原本色不驚人亦
不落詠物窠臼蘧菴秦階亦仲翁從曾孫詩亦一洗鉛華
之習韓蘄王云汗馬齊三將騎驢老一鞭則巧不傷雅春
寒云半塢綠煙垂柳重一簾紅雨落花深君家伯敬見之
定以五色花牋錄吟百遍

侯官家子魚

直

著有壯志堂詩藁子魚詩濫觴於三唐樂府

浸淫於七子歌行天骨開張詞旨宏亮尤與空同爲近正

定道中云落日孤城已半周風沙北上畫冥冥百年形勢
雄河朔三鎮鋒煙接井陘雁去遙連關塞黑鶴飛不斷海
天青時清無事勞征戍爛醉題詩上驛亭衛輝懷古云雄
關百堞峙嵯峨寶殿瓊樓近若何西向雲山趨上黨南來
天地倒黃河蘇門夜月孫登嘯瓠子西風漢武歌嘆息殷
都留古郡五陵沙草雁聲多

臨江張少伯大令

培仁

著有金粟山房詩草

進士

大令詩才

飄逸摘華採藻儻不羣又如春日天桃臨風綽約若加
以沈鬱之氣則足以遠樹青邱之幟近奪仲則之席矣其
元祐黨籍碑云一碑姓氏峙巍峩又有安民涕泗多早識
天心憐玉馬遂令坤軸陷銅駝前車北寺悲鈞黨後轍東
林密網羅翻使元黃天下苦何曾黑白鏡中訛虎邱白公

祠云拾遺召拜到神京元白聯吟頁盛名畫舸遊蹤千日
醉石函水利一渠清恩牛怨李終成黨駱馬楊枝倍有情
絕代才華歸諷諫憂時樂府見忠誠落葉云樹底初添一
片紅板橋斜繫酒旗風染來秋色淺深處飛入白雲濃淡
中野樹桃榔藤絡結夕陽橘柚影玲瓏零星何處尋蹤跡
目斷歸鴉望碧空賦到哀蟬不可聽垂楊灞岸客橈停一
輪明月生牛渚千頃蒼波接洞庭古道日斜隨短騎空林
風急上孤亭誰憐萬木徒蕭瑟獨有松筠似舊青諸詩風
格不落大蘇十子以下

侯官李香萃

家瑞

嘗從宜黃陳少香師及余友王偉甫孝口

廉學詩少香先生嘗以其詩集見示香萃詩多綺懷之作
迹遍青樓詩題碧玉其十二金釵詩則韓偓替人也又句

如漏盡聲誰續燈寒影可憐
可以想其風趣又句如斷雲
穿石罅清磬出林梢夜火隔江寺
疎鐘何處樓小院有秋
意疎林來雨聲竹深山瓦碎花落石
枰欹斷壁埋幽草荒
亭礙短籬樓臺猶舊地門巷半飛蓬
徑靜吠寒犬苔深鳴
亂蛩寒花三徑雨殘月一池秋山光濃入畫風色冷於秋
去鳥天邊落殘霞樹外蒸世事紛如弈人情薄似雲曲徑
盤危石空山起怒濤雷湫干丈吼佛火一龕圓八郡河山
殘照外萬家城廓暮煙中市橋燈火樽前影水閣笙歌夢
裏身到門山色含晴霧隔岸溪聲送夕陽迴殊凡響

射鷹樓詩話卷十七

侯官林昌彝惠常輯

吾閩前明詩家自林子羽以下十子總持詩教及鄭少谷出乃大振騷壇雄視一代繼之者曹石倉黃石齋徐幔亭徐與公謝在杭諸君可稱一時風雅錢虞山論詩每鄙薄閩中詩派豈非坐井觀天蟬游撼樹乎

虞山曰閩人詩爲林派謂林子羽也

國朝松陵詩徵載沈漁莊

永理

選夢亭集詩尙韻致亦具性

情月夜有懷云長嘯復長吟離懷不自禁一天涼夜月兩地故人心蟲響秋高下鳥飛樹淺深遙憐萬里客有夢落秋砧句如偶成云百年歲月空流水故國山川一釣磯讀其詩可想其風度瀟灑情致纏綿

閩縣家石甫茂才

夢郊

著此中軒詩稿謂此中之味難爲外

人言也詩辨香陳元孝屈翁山二家音調宏亮筆力廉悍
家子萊孝廉贈詩云險巇爭一字廉悍辟千夫非溢語也
石甫家故貧無以爲生每爲人作捉刀兒得錢以養母近
世一二士大夫詩文皁然成集多出其手石甫志在命世
而潦倒一衿拂鬱牢愁齋志以沒惜哉石甫嘗作文章九
命示余云他日留記詩話可耳不必示人也其詞云生居
富貴之家佚慾喪其美質身處貧賤之境衣食分其用心
因循過日不覺老之將至聰明誤人遂致終於無聞不時
病苦性情漸嬾少年科第志氣大高各來黜我盜虛聲久
假不歸天不與年露一斑莫窺全豹尙有以有用之精神
代他人談經濟饑驅幕府得不償失也自注云以上九事
皆有文章之才無文章之命石甫天才俊逸而窮愁困頓

抑塞無聊嘗擬古哀王孫云落日空四山王孫去何所躑
躑哀道旁路人不可語夙昔金石交一旦棄如土茫茫湖
海心滿地愁風雨石甫讀書眼光如炬其讀漢書云黃憲
伊何人方之以顏子尼山萬世師比諸楊伯起儼人不於
倫荒謬乃至此靡靡東漢風標梅士所喜愛之斯阿之虛
聲不爲恥其禍遂蔓延黨錮從此始江城如畫樓和亭甫
題壁韻云山水因綠文字豪旂亭回首首重搔名能籠壁
人爭識眼到層樓我自高四面無聲聞落木一天遙思渺
含毫十年好景都虛負又向風前感二毛讀明史莊烈帝
紀感云憂饑憂旱復憂貧十七年來太楚辛四海更無無
賊地一朝甯有有才臣天如積怒亡人國事不能爲苦我
民已分捐軀殉社稷南遷何用尙條陳自成三楚獻三巴

處處彌縫處處瑕白骨原頭撐草莽黃金江底鑄泥沙一

杯痛飲親藩血百萬先傾大帥家

福藩被自成害取其血鹿血飲之名福祿酒李

和泰請以家財百萬佐軍帝喜命爲督師大學士賜上建方劍親餞推轂加殊禮師甫出而泰家已破於賊最

恨朝廊官盡散漫天烽火獨咨嗟書韓偓傳後云腕可斷

詔不可草一朝人物獨先生清流幾輩能謀國香草如君

總寄情時事直須長醉夢苦心誰與共功名干戈滿地詩

才老曾向閩州萬里行浦城中秋對月有感云平生愛與

月勾留轉爲他鄉怯上樓百感驚心憐此夜一年好景又

中秋最難作客西風裏况復懷人南浦頭恰有相思訴誰

共去年今夕在蘇州石工安民詩云人以得名榮汝謂得

名恥汝又不讀書讀書人愧死儼古子夜歌云郎在湘江

頭儂在湘江脚郎去趁潮生儂去潮初落紅豆摘來紅戲

把嵌敲子遠道寄所歡相思入骨裡江南柳枝詞云江南
江水水淙淙兒家相送郎過江呼郎船頭共搖櫓些時並
立也成雙句如過延津云溪分山後轉城向水邊高摘花
圖云一掬豔在手三春香到家題夢遊蓮花洞云花發人
天豔風生衣露香夜入貴溪云江平沙岸直天闊月輪低
晨起觀舟人盪槳云微露不到地殘星猶在天與山僧夜
話云曙色忽然動鐘聲何處來出寺見脣頂日影云高塢
日一尺缺牆山四來再過富陽云寒風欺獨枕晴雪壓孤
篷

九芝草堂詩存臨桂朱小岑布衣

依真

著布衣之學自六經

子史下及百工技藝無不精研殫慮其爲詩以微渺復邃
沈驚鑱刻之思以寄其冲夷高曠嚴冷峭潔之概幽而不

思澀而不僻尤精詞曲其所著人間世院本幾於唱遍旗

亭性狷介視人世烜耀赫

棄脂韋腴

認之習去之若浼與臨川李松圃

兼禮

友善四方名宿如楊石墟

龍桂

李洞岡

常吉

許密齋

吳行

王若農

尚廷

浦柳愚

鏡

朱心池

錫

劉松

嵐

聞濤

諸君子觴咏贈答極一時文讌之盛錢塘袁簡齋

至臨桂亟稱其詩至北之趙文子垂隴之會云小岑兩客

吾閩嘗與聞縣陳恭甫先生唱和長篇押險韻疊至數十

首三鼓不竭恭甫先生稱爲壇坫之雄當三舍避之余從

其族孫伯韓侍御錄存其詩若干首信飲谷樓邸含貞養

素者之多風雅士也其讀嚴子陵傳云咄咄吾子陵羊裘

無冬夏廣張三百釣不釣王與霸就謂巢許事近出秦漢

下人希龍潛舊我厭腐鼠嘲豈無南陽顯風雲任馮藉帝

腹一加足故人長揖謝奈何商山翁乃畏劉季罵寒月去
寒月如昧爽啟戶仰虛白風柝靜可數濕瓦濃欲滴空階
無落葉小竚生霜迹舊時梅影深彷彿卧苔石泊昭平云
獨縣阻荒服嚴城列山圍聯轡厭輪囷危峰失硬瘦四面
蒼煙堆一線光天漏峯頭見亭午側影疑夜戍鹿徑荒荆
榛漁村寒橘柚同獠多巢居山田皆火耨前朝失控制百
里恣戎覆閒道達修荔兩江趨左右鴟張亦太甚鴉攫不
遑救行估泣險難土附苦躡蹠緬維莫縣猷倬矣敷功懋
奮臂扼其吭揮刀解其腠始欽伐謀上詎在稱戈鬪千家
生聚繁滿地桑麻茂依微墟里煙冷落路旁堠紛吾行旅
目敢誚規模陋文成烈已遐遲迴一瞻覲望嶽云熊熊朱
陵天秩秩奠南服瀟霍充其副瀟湘濱其足九疑爲宗子

五嶺實疎族遠脈通羅浮近支窮嶽麓炎靈赫以治熱屬
蠢而育厥上擢天柱厥下連地軸傳聞九向背亡慮千起
伏神明旣昭著變化亦忽倏飛揚陣雲來宛轉蒼眉感洵
湧金在鎔林立矢插鯨曳尾狐渡冰攢頭蠶起簇橫觀去
堂堂旁睨仍羸羸萬壑紛散漫祝融秉鈴束杜韓昔遊厓
刻畫難罄竹聞諸山中人靈境恍卽目官觀凡百區緇黃
繁牒錄白雲可手掇危磴觀日浴濟勝惜無具瞻拜空僕
僕嘆喑荆蠻民早晏荷神福爾來恣驕佚災沴亦云酷女
魍魎克炤飛蝗肆流毒百粵已薦饑荆楚靡旨蓄米價三
倍增乞丐沿門哭維嶽帝股肱司守等伯牧耽茲民殿屎
甯不救匍匐恐是方隅神譴謾廢辰告載下臣同拜竊比
冒黎祝似叨岳靈鑒行見魍魎戮和風捲霓旌霑雨隨霞

轂遠解粵民愠更慶湖田熟稽首答神貺張翼重起肅灑
湘道中雨云十年畫禪室不悟米三昧卻上洞庭船飽看
煙雨態昨宵聽澗盆驚起見潑黛羣峰春欲汚萬景繁不
碎嬌雲易成族密樹畧分陰檀欒倚風篠微露白屋背淨
碧上須眉欲唾難廣欬須臾一線霽刻意寫明晦粲然外
史真非復彥敬輩復古詔能事倚素敗牆對窮年畫瀟湘
不得瀟湘概請看解脫手放筆吞大塊久擬托浮家書畫
一冊載他時虹貫月鷗鷺汝好在登獨秀山呈同游諸子
云大鵬搏扶搖上同羊角轉茲游豈不然浮雲宜可撓惜
哉虧一簣天咫弗容踐常恐罡風振身比落葉卷假無伯
昏徧甯免韓子泣下窺九陌塵萬室盡螭匾飛鳥瞰其背
游人磨蟻蝨郊原覽無遺而况城郭淺無怪煙霄人蘇塊

視紅軟願言謝禽向毋笑吾地褊堰云放舟宜春日堰築
疊糕樣銜尾集千艘亘天牽百丈人力與水爭水勢與舟
抗二者相格拒鴻溝門劉項水一有不勝舟乃得寸上出
險實僥倖失據易成喪篙師尙倚息一堰已在望揆之築
堰者豈欲生礙障水利歸三農食爲民所尙譬如春雨集
農歡行旅悵天地豈有私擇術慎所向不見田間叟聽水
植其杖吾將從其後爾堰焉能妨冬日遊聖母池在城西
伏午山清聖寺明孝穆紀太后從賀經桂鹽濯於此池故
名云城西爽氣來無端引我步屨尋烟巒天高木落林莽
細中有梵宇纔苟完先朝聖母過臨處苔花繡覆古井幹
迎恩里近臨賀嶺錦褶金屐如雛鴛俘中洗面祗涕淚鹽
濯不盡何闌干豈知寶藏恩波遽已有雲物蛟龍盤戎衣

昭德擅主歡蛾眉讓人古所難前星誕靈尚閼秘至尊攬
鏡空嘶酸牽衣入懷認龍種兒出母亡摧肺肝不爲人覓
且僥倖願化狸鼠懲兇殘異時拂子斃倉卒肥婢漏網爲
長嘆宋仁令主惑讒口幾到劉氏危不安魚臺丞疏吁可
畏帝度卻略如天寬可憐報德復何所元舅左證無絲釐
更誰紀李辨蠻語至今亥豕碑難刊此是有城發祥地想
像環佩來珊珊荒基薺合那足憾當年九廟無祠官羸瓶
聲歔牧兒散青泥獨漉行將乾低徊瞻眺不能去時聞木
葉彫琅玕南溪病酒云三日不見黃叔度顰面籠東異平
素弱鬢新添陸展絲漫膚頰減張蒼瓠聲低氣溼秋後蟬
翼戢頭垂雨中鷺燥金當令暑未退裏幘披綿汗沾汚自
言中酒胸膈寒况爾淫蒸腰腳注搔背何從乞仙爪折枝

宛轉須童孺漫誇醢肉夕不敗到此空嗟覆瓿布每嫌戶
減羞對人擁鼻但吟止酒句我非和緩解此意未可詆謨
麴蘖誤壯夫一飽愧侏儒袞袞功名付纖豎大材覆落無
所施如驥繫足鳥投筴致令憂氣損天和拂鬱輪囷欲誰
訢金飆薦爽報秋信恰好尋幽曳輕屨托足雖無避債臺
質錢賴有長生庫便當治具約歡朋桑落新筍盍謀婦相
佯何處畔牢愁十里城西紅葉路花園鎮阻風因謁方公
祠云公諱曰桐城人方正學門下士官四川斷事逐燕逐
燕燕高飛劉氏未安晁氏危金川門開夜流血湖海飄零
半邊月處人家國良不易豎子竟敗乃公事成仁敢辭十
族累南董春秋嚴一字都司忠義出師門臨危授命古所
敦可憐爪髮葬何處祇今潮打胥江魂我來泊舟風雨急

河豚初上萋萋碧，櫛籬茅屋對荒祠。萬樹垂楊烟縷直，臨風憑弔重咨嗟。野鶯啼落棠梨花，獻門靖難功何偉，不見長陵春草委。何如名字照汗青，行人墮淚豐碑底。靈邱城李存孝故里云，道出靈邱城郭半荆杞。豐碑道旁矗，云是義兒里。唐家日月幽不明，節鎮留後外重成。親軍養子示恩信，武夫悍卒傾朝廷。朱邪板蕩驕莫制，獨眼龍飛雄蓋世。生兒亞子良，可已螺贏之祝母。乃贅安家牧兒好，身子俊鶴脫絳鷹。在肘一朝走檄愈，頭風轅裂何人惜。功狗立苗非種胡，可留後來吞噬無時休。管絃邱壑李天下，藐吉烈來良有由。四君三姓絕天紀，宗廟雖存享非祀。遂令馬陸尊南唐，正統遙遙猶繼李。廬陵特傳亦做愚，不然此輩祇常奴。可憐委鬼當權日，藍本流傳到士夫。明史有閻黨義兒傳

也代州弔周將軍歌云雁門城摧陣雲黑機槍掃地傾西
北天亡已見滹池渡巷戰俄聞太原赤繡幡銅馬何紛紛
燎原弗戢崑岡焚男兒死耳南霽雲撫膝不作降將軍轉
呼轉戰弓矢盡槍急身輕猶陷陣脫帽爭知右袒多免胄
何辭一身殉將軍戰死明社傾眇逆長驅薄帝京柳溝不
閉北門鑰守將誰爲萬里城竭來策馬窮趙代斜陽直下
孤城背舊壘曾傳娘子軍前鋒想像孩兒隊更憶尙書白
谷孫同是血污萬里魂焉能比屋同祠廟歲時伏臘供雞
豚邊隅偉節殊不少牛盛諸人皆表表殺青自可垂竹帛
埋碧甘心委秋草沙蟲援鶴今成塵嘖暗猶悲行路人是
誰卻賣盧龍塞汗簡新添貳貳臣鸚鵡洲懷古云岑牟單
絞踏地高爽如石馬大討曹阿瞞頭風愈錐刀大兒小兒

挽不牢何爲卻與眉沾遼漢江高宴艤艫韜虎士列戟交
其鐵雁行賓客蜀纈袍千斛美酒留羣撓狂藥入口膽氣
豪手搏臙豢目不逃車前馬糝空騰尻死鍛錫公罨且號
隴禽能言繡羽毛漫比黃雀多脂膏時危士命管與蒿至
今芳洲沙颺濤彷彿醉語聞營營草痕凝碧荒迥遭鵲鵲
斥鷃翔且翺英魄可招白鷺翻楚南何事悲離騷恨入萬
古生花毫人生焉得同桔槔隊生三尺閔不囂君不見魯
國巢覆黃口磬又不見海隅屯骨蒼蠅餐何如白帽辭旌
旄矯矯不下鶴鳴皋牽絲刻艾徒爾勞

本朝父子同典京外試者凡三見劉文正也劉文定也何文
安也已亥秋典試吾閩者爲子貞郎而大夫子文安公亦
主北闈鄉試子貞師有詩云是秋司農公京兆職書賢並

典中外試三見二百年士林佳話可備掌故

長興侍郎張小軒師

鱗

余壬辰歲試遊庠座主也立身純潔

嚴於制行主敬之功未嘗一日忘十三經疏皆能默誦詩不多作余於嘉興書肆中得蕭尺木秋山行旅圖畫幅題者數人上有長興師五絕詩云落葉滿空山秋巒晚煙冷長亭復短亭斜陽澹人影此詩淡遠有神惜不令倪高士見之師與歸安姚鏡塘職方學夾友善會稽潘少白布衣諸嘗與職方論人性剛柔偏毗之病職方曰宋人稱蔡文忠臨事無所牽畏而恭敬謙退未嘗自伐今吾見其人少白叩其人則曰待君自識勿失也後日客數輩至無恙異越四日小軒師至既去少白先生曰得之矣必是客也於是學在敬其精神常充固筋骸間譬如良玉縝密故堅栗其

外之溫澤者亦堅緻爲之也職方曰敬則內實無浮慕惟
事所常事則所畏不避而美名不居君得之也師所至無
赫赫名亦不以豐功謨略自任已未成進士自翰林厯國
子祭酒轉卿寺閣學晉厯禮兵工戶吏五部侍郎典試江
西又視學安徽福建乙巳會試副總裁官大約處常事極
詳慎處疑事極嚴毅處成事極謙遜此師生平提躬之大
要也乙未會試榜未發已病猶力支日夜門啓之卒斂之
日家無餘貲士大夫奔集其喪湯敦甫冢宰金釗哭之曰
人誰不死是人難得吾爲天下惜也道光壬寅入祀閩中
名宦祠有誠敬堂詩文集若干卷匪於家

司空表聖詩綠樹連村暗黃花入麥稀得意句也上句之佳
夫人而知之下句則多不解爲別有黃落麥田耶抑卽麥

花耶杜子美詩圓荷浮小葉細麥落輕花是麥有花明矣而讀書者多未見麥花何狀金壇段茂堂大令云自幼聞先君子言江以北麥以晝花陽物也故食之體健江以南麥夜作花陰物也故多食損人昌黎公車北上喜食麥以勝於江以南今年向業農者叩之彼云其花夜開朝閉花之麥遠矣其壯脾蓋大江以北之麥兩瓣色黃開而仍含中挺一鬢鬢兩頭黃藥出瓣外分傳於瓣曉則藥收入瓣內瓣閉而爲麥皮所謂稃也鬢藥爲麥人所謂實也因知細麥落輕花杜之句法謂麥落輕花細上句謂荷浮小葉圓皆不得於圓荷細麥作逗圓荷作逗則荷未有不圓者且浮小葉爲鬢複細麥作逗則麥何分大與細杜云佳句法如何知其變化人不能讀者多矣但曰落輕花體物尙有未到麥花不落落瓣斯失其稃而

不能成麥司空云黃花卽謂麥也云入麥稀殆謂風吹偶有落入麥葉中其體物精細故與上句相敵且皆狀幽深閒靜之致與杜皆四月詩而勝於杜遠矣杜司空皆北人皆見麥畫花者今南人卽麥畫花尙不能見况南麥不畫花耶稻花之狀略與麥同而暎於風日和好時南北所同較爲易見

陶淵明歸去來辭或命巾車或掉孤舟旣窈窕以尋壑亦崎嶇而經邱每疑巾車天子諸侯官也命巾車天子諸侯事山野人乘下澤車何命巾車之有豈非不辭乎旣讀江文通襍體詩擬淵明者曰日暮巾柴車路闇光已夕李注引爲歸去來辭或巾柴車然後知江詩祇用陶辭而今本陶辭譌謬本集及文選皆然不知始何人也周禮巾車鄭注

曰巾猶衣也疏云謂玉金象草口以衣飾其車故訓巾猶衣也按此謂未用之先以衣籠之如今轎罩然鄭注似未盡巾飾也飾卽拂拭字以巾拂拭而用之也故劉昌宗音居覲反左思吳都賦吳王乃巾玉輅正謂巾之而出獵也左傳巾車脂轄脂轄正與拭車一類事淵明巾柴車而出崎嶇經邱皆拂拭而用之也如今本作命巾車淵明見之當爲噴飯矣

經韻樓集與張涵齋書

粵東溫伊初云曾見江右人選唐宋文於蘇明允辨姦論後記云明允飲王半山席間半山卽席限押險卅韻明允搜索枯腸只得數韻不成篇半山笑之明允銜之次骨歸作辨姦論昌彝按江右人所記爲無稽之談似不足據明允雖不以詩名而其爲詩往往非時手所能及况明允素有

知人之明何以知之於其名二子說知之也其說云輪輻
蓋軫皆有職乎車而軾獨若無所爲者雖然去軾則吾未
見其爲完車也軾乎吾懼汝之不外飾也天下之車莫不
由轍而言車之功者轍不與焉雖然車仆馬斃而患亦不
及轍是轍者善處乎禍福之間也轍乎吾知免矣讀此文
愈知辨茲論驗於十載之前不是偶然之事豈席間賦詩
啟怨之由乎較之天津橋聞杜鵬語出於南宋邵氏聞見
錄者爲不同又按葉夢得避暑錄云蘇明允旣爲歐陽文
忠公所知其名翕然韓忠獻諸公皆待以上客嘗遇忠獻
置酒私第惟文忠與一二執政而明允乃以布衣參其間
都人以爲異禮明允席間賦詩有佳節屢從愁裡過壯心
時傍醉中來之句其意氣尤不少衰明允詩不徒發然精

深有味正類其文如讀易詩云誰焉善相應嫌瘦後有知音可廢彈婉而不迫哀而不傷所作自不必多也據此則

江右人所記席間賦詩之事明係虛妄無疑

按夢得此條有誤仁和王

君文器蘇文忠公詩編注集成嘗辨之以嘉祐為至和已刪去又謬忠獻為忠憲考宋忠之韓億同知樞密院在仁宗京祐四年乃二十年前事忠憲億謚也夢得以作琦謚今已改正其所記二詩老泉全集俱無原作

前明于忠肅公於國家有再造之功後世之伊呂也聞縣陸檀河先生謁于忠肅祠云三台山畔弔忠魂宣府傷心土木屯塞遼黃龍同抱痛江寒白馬更沈冤局郎已死猶褒廟丞相論功在奪門雨帝早時歌載跨鷗鵠冰走泣荒原儀徵阮文達擘經室二集卷七于忠肅公廟題壁記云于忠肅公於明室有再造功以徐石奸誣故遇害元在京師聞餘姚邵學士晉涵云嘗見明景泰間通政司舊冊內署

某月日于某本爲太子事惜其年月未能記憶元以此語
仁和孫御史志祖御史云英宗不當復辟則景帝之易儲
亦未爲過惟景帝疾篤時公若上疏請復沂王爲太子而
景帝從之則仁至義盡何致有徐石之事豈學如忠肅見
不及此然則邵學士所見通政司舊冊有于某一本爲太
子事者當不在易儲之日而在請復沂王之時斷斷然矣
文氏漫鈔謂憲宗於忠肅褒卹之典有加憲宗曾見公手
疏之故斯言更可證矣此前賢未彰之事特爲揭之

朱伯韓侍御題秦澹如藉湖漁隱圖五律四十字作一筆賦
就詩云錫山開別業小峴抱遺編展卷懷佳節逢君自去
年相招燕市酒遠憶藕湖天我亦愁羈旅披圖爲惘然昔
王獻之能爲一筆書陸探微能爲一筆畫吾伯韓可謂能

爲一筆詩矣

無求偏覺人情厚有命方知我志差此袁簡齋詩也二語雖
淺似有意理次句言命卽是安命劉惔明本釋云東坡曰
人不知命者當求其所不可得避其所不可免公謫嶺外
曰譬如元是惠州秀才累舉不第有何不可伊川曰賢□
不肖之在人治亂之在國不可歸之命須知此義

昆明戴襲孟侍御

炯孫

深於詩爲滇南風雅之冠詩境蒼深

雄傑如老將臨敵縱橫揮霍而紀律森然其與楊毅山歐
陽米樓比部及諸人復理吟秋詩社云風雅久陵替古義
如綴旒因緣文字交乃爲聲利尤戴贊此羔雁投卷皆公
侯特以饜多取肯復思千秋詩教一已衰漸恐人心偷我
欲雪斯語願言箴同儔楊忠愍公祠云

卽松筠菴

一菴壽松筠

柯葉勁秋爽此是忠愍宅靈風肅來往勝國昔中葉奸人
惡方黨權歸鼠旋變患貽虎誰養省郎亦微官公乃疏重
上仗馬瘖不鳴梧岡瑞高響當其伏蒲奏鬼神鑒忠讜再
拜謝髯蛇椒山膽無兩狄道甫歸來錦衣一再仗毅魄生
斧鑕浩氣薄穹壤分宜爾何人青詞覲上賞祇今鈴山堂
月黑嘯夔魍繇中火舖抵館城驛云斷厓立四壁洞壑瞰
千尺巔層下盤坳細路疊行跡風力健颿舉泉聲碎崩豁
人鳥爭一門呀然石口圻日低嵐氣陰天入亂峯窄敢舒
鸞鳳嘯恐驚虎豹宅賦愕况閉輿嗟爾衆行役念卒失奇
景出險心轉惜前途遞平岡夾道樹深碧龍門澗云林風
號林聲巖日下孤影幽澗鬱深黑雲乾古泉冷我欲發清
嘯喚此蟄龍醒遐睇凌大荒憑高肆高騁茄口渡云一綫

懸天塹千峰開水門
濤聲流不盡山勢欲平吞
岫複團雲氣洲寒漬雪痕
扁舟時問渡兩岸咻愁緩

德州盧抱孫都轉

見曾

雅雨堂詩及出塞集多風雅

康熙十年進

士

七律及絕句尤有神韻絕似漁洋山人其和田硯思同

學見懷原韻云離筵尊盡朔風吹雲棧天高雁信遲
杜宇久醒遊子夢黃花況感故人詩天涯小草憐今日
蜀道當歸定幾時無限心情愁寄遠滿山紅豆寫相思
將赴吳門口占棹歌奉別揚州諸故人云三冬風雪阻歸期
春漲長淮路又歧別意生憎河畔柳新條偏綠向南枝花朝送客
愛新晴夜雨春流畫槳輕雨不作愁晴又好淮南天氣似
人情舊寺名園春正饒大江獨下月迢迢
回潮倘送還鄉夢多恐勾留廿四橋

古今作桃源洞詩如牛毛而佳篇則如麟角余友某潤臣內翰桃源洞行詩可稱高簡爲此題絕唱其詩云停舟桃花源洞閉已千載桃花落盡雞犬稀翠壑丹巖長不改天風蒼蒼蘿薜深飛泉淅瀝如幽琴漁舟欸乃不知數沅水東流自古今

我輩不必成仙作佛一絲不掛方作達人想卽躬修儒業其胸次容有不達者陶淵明爲無懷葛天之民周濂溪有光風霽月之度果何等高爽乎番禺張子樹大守維屏聽松廬詩稿達人詩云百年三萬日一日十二時達人有活法分算乃得之譬如昨日憂今日我弗思譬如來日難今日我弗知君看今日花前日猶空枝君看昨宵月今夕雲四垂宇宙大傳舍夫仕無定期人生貴適意浮榮如電馳

爲擲心腎易彼毛與皮此詩品格高妙勝於唐人今朝有酒今朝醉違矣

近代山左詩家以高密單芥舟明經

可惠

爲最明經號白羊

山人有白羊山房詩鈔明經學問淵雅志行醇篤以名諸生貢成均甫壯肆力於詩古文詞詩以盛唐爲宗偶出入中唐駸駸乎入古人之室而躋其域人所欲言而不能達者則皆一一奔赴腕下古體風骨峻深蹊徑獨闢如石棧天梯縈紆晦窅七言長古取法長慶參以少陵謂梅村長篇學長慶隸事太繁風格少減惟參以少陵之骨則得之此明經自道得力也明經屢困場屋窮巷蕭然環堵不蔽風雨故其抑鬱磊落之氣悉發之於詩使讀者恍遇伊人於清泉白石間也其題阿戡詩卷云古之豪傑不可作文

章代卑才力薄有作難掃元與明况乃意與唐宋爭造物
生才亦無盡要以真雅作根本學識能入第一流深情奇
氣騷相近相率爲譌俗不醫賢者不免爲惡詩此語敢爲
外人道我有學作吟詩兒題王逢原詩後云古之作者惟
天真降而不能求生新鑿幽絕險疑鬼神文章怪絕天所
嗔報以凶短憂與貧氣感類應非無因是有大力起羣倫
不隨身作狐兔塵千秋意氣高嶙峋流傳片羽兼半麟光
怪驚走千萬人嗜奇好異唯葆珍尤而效之兒童鄰比於
一髮懸千鈞徒令其言不雅馴題大兄儋山詩集云先生
三十初作詩翩翩已是神仙姿舟過屈宋傷心地江山入
眼詩日奇白頭歸來十五載筆墨闌珊甚矣憊囊無錢買
青山居門有客索白酒債我輩豈是詩能窮所恨有詩窮

不工先生從今更須作五十有七非老翁鍾鑪與古時人
同明經論詩最精確其題 國朝六家詩鈔後宋玉叔云
篇章好處半商聲張北軍應擅大名憂患中年連晚節略
於筆墨見平生施尙白云詞客詩人例不同溫然時有古
人風縱教逮意才差少已得今詩五字工王貽上云領袖
羣公一代奇生前身後九重知却因去未陳言盡也似韓
翃號惡詩趙仲符云傲物振奇未免狂罷官不獨爲歌場
談龍錄又無端作輕薄爲文與道妨朱錫鬯云由來風骨
貴蕭疎未到紅爐點雪初不分滄浪談藝語知君無奈腹
中書查夏重云學參白陸永超然簪筆西清入暮年剩與
隨園高月旦白描畫筆奪龍眠

單芥舟論六家詩切矣惟謂朱竹垞詩未到紅爐點雪則竊

以爲不然竹垞詩淵雅雄秀獨往獨來奄有漢魏唐宋之
長溯源討流舍筏登岸務尋古人不傳之意於文字之外
六十以前詩境似無可議六十以後隸事太繁然名篇佳
什非胸羅數萬卷者不能辨其七言古七言律應是宋玉

叔敵手至題畫諸作尤渾成入妙芥舟之論尙未的切

或問竹垞詩視阮亭如何趙秋谷談龍錄謂朱愛多王愛好
是台余曰朱王二家於詩用力極深似未可厚非朱以雄
秀勝王以神韻勝皆大家也第王詩不及朱詩之雄光澤
何金門茂才

長詔

嘗論之詩云新城長水舊齊驅供奉聲

名稍不如若但論詩休序爵雄才似勝老尙書此論極好

廣西平南彭子穆孝廉

昱堯

從朱伯韓座上識之道光庚子

以副貢生貢於鄉著有蘭晚詩草詩筆爽朗如秋水半塘

疎煙一畝其秋懷五言古四首最爲人所誦今錄其秋燕
七言詩云江山如此不如歸隴首金風木葉飛莽莽關河
秋色暮蕭蕭門巷故人稀玉鉤銀蒜簾無恙社鼓春旗事
已非爾羽差池試回首天涯何處不斜暉

諸暨余小頗農部

地

著有寓庸堂詩草

道光已酉進士

農部深於史

學其論史諸作雄偉高壯嚴海珊之亞也感興詩云聞道
邊人畏長官馬前迎拜漢衣冠誰令鋌鹿呼羣起終信貪
狼長獸難使酒辛湯與鞏怨歛財孫儻隴西殘陸梁鼎沸
身駢死猶與忠魂一例看招搖鄰境勢蒼黃襍虜橫戈一
旅當本儼却秦塵鉅鹿翻因援許困睢陽殘軍夜帳聽遺
令戰鬼秋原聚國殤長使單于嬰大罪覆師差足重邊疆
白頭楊業在行間謀報名王盡改顏肯放橫行出葱嶺早

開殘虜哭陰山北平虛請居前死段頗仍傳得代還寄詔
陳湯休按劍恐驚都護病軀羸從古奇兵走迅雷漢家飛
將自天來威驚鐵勒三遺矢智取崑崙一舉杯汗馬已驅
驍騎入飛章應報捷書回金城充國難持重莫待中朝羽
檄催書感云中年幽好轉蕭騷嘲難都從坐客驚賣論枉
煩謀范縝絕交差悔報山濤敢辭東郭吹竽濫爲謝西江
決水勞閒憶詩流苦堪恨主家深夜鬱輪袍白衣蒼狗看
雲生未許閒睥睨測世情近鼠孤鵲應被嚇依人鳴雁亦同
烹崔膽別室呼名士謝弈移樽得老兵臣朔侏儒同索米
偶殊修短敢相輕

瑞安孫琴西庶常

衣言

著有鴻雪詩鈔

道光庚戌進士

音節鏗鏘情

韻婉摯余從朱伯韓處讀其詩稿亟錄數首遊頤園云曲

折陂塘路徘徊步履留荻蘆青隔水楊柳靜當樓犬吠迎
生客蟬鳴入早秋煙波殊不減相憶五湖舟物外情無限
蒼茫感若何林泉如此少車馬畏人多

是日遇遠客數人

獨客思

叢桂清樽動綠蘿滄洲歸未得重許此經過

主人出家醖調延實以款

客揚州云形勝南朝有舊州從來詞客漫新愁三秋海氣
連窮島百折黃河急吐流爪步樓臺空有影蕪城草木不
勝秋長江自古稱天塹未是東南第一籌錦帆官女到天
涯千古風流說帝家民力誰憐江上柳君王猶問後庭花
雷塘落日明孤冢螢苑秋風冷屬車一掬霖鈴西蜀淚唐
家還築玉鉤斜

僧能持余同年石拱堂族子也喜爲詩不肯示人愛余詩嘗
默誦余遊山詩數十首皆余與張亨甫唱和者能持句如

柝敲城市月犬吠寺樓鐘心逐孤雲遠夢隨流水行句忘
如失物夢覺爲聽經雲影穿松去鐘聲渡水來道從聞磬
悟句自倚闌成皆清婉可咏

漁洋少時最愛吳淵穎詩

淵穎名萊元人

生平自有得力之處觀此

足悟爲學之訣不必專驚高論明李空同自謂唐以後書
不必讀唐以後事不必使朱竹翁摘其詩用唐以後數事

載入靜志居詩話

如江淵陸務觀司馬今年相宋朝秦豈
相何絲怨岳飛等句非唐以後事乎

豈

非言大而誇名不副實乎

拜岳忠武王墓詩朱竹垞長排外以閩縣薩檀河大令七律
四詩爲最高青邱忠武王墓詩雖膾炙人口不逮也薩詩
佳在氣格沈雄用事典切故能獨出冠時其詩云賀酒黃
龍事竟空淒涼一闕滿江紅十年戰伐歸三字五國羈魂

泣兩宮水咽西陵虛夜月枝生南向怨秋風將軍不受金
牌詔解甲丹庭死更忠舊井銀瓶事可傷金陀血淚洒家
王一門忠節凌秋日半壁江山付夕陽從此朝周無白馬
幾經換却又紅羊英魂來往匡廬下不負前言到五郎朔
風吹雪暗沙塵廳事親題百戰身史入北朝書戊戌天教
南宋屬庚申議和已久愁諸將誤國當時豈一秦更恨埋
冤不埋骨荒墳還說賈宜人佃客居然又一韓長城萬里
北風寒生逢知淡明冤獄死遇周仙肯掛冠霜戟沈埋湖
水冷雲旗飄泊野燐殘翠微亭畔劍門道居士清涼淚暗
彈